



Kairan kawaia taan kata te mwakuri rinanon te Pacific Engagement Visa (PEV):

Ko na kanga ni katauraoiko nakon kaekaan ana titiraki te tia kamwakuri

Te kaira ni kawai aei e na buokia taan katai mwakuri rinanon te PEV ni katauraoia nakon kaekaan aia titiraki taan kamwakuri iaon Australia. Ko na reireinaki arom ni kaotiko nakon te tia kamwakuri, kaekaan taian titiraki aika a aki toki n taatabekaki, ao kabwarabwaraan am konabwai. Am kaeka titiraki ibukin te mwakuri e na bae ni karaoaki rinanon te tareboon ke te reitaki nte intanete ae oti tamneina. Tauroim raoi bon buokam bwa kona namakina te tauraoi ma te onimaki ni kaekai titiraki ao e na korakora kantaningaana bwa e na reke te mwakuri anne iroum.

Imwain te kaeka titiraki ibukin te mwakuri



Te moan mwaneka: Kakaea raoi rongorongon te kambwana

- Taetaem iaon rongorongon te kambwana ma aron mwakurina e na kaotia raoi ae ko tauraoi
- Taratara ana itera ni baa te kambwana iaon te intanete, riki iaon are 'taekara ke rongorongora', 'baika a kakawaki', ao 'ana kanoa n taakete' bwa ko aonga n atai baika a kakawaki iroun te kambwana anne
- Kamatebwaia aron ana tiim ni kairiiri te kambwana anne, ao taratarai taian katokatoka iaona nte intanete bwa ko aonga n ataia riki bwa tera raoi tabena ao baikara bwaai aika a kakawaki irouna. LinkedIn bon teuana te tabo ae ko kona ni moana iai am kakae/taratara
- Ngkana iai ana iteranibaa te kambwana anne iaon te LinkedIn, ao kakaaia taan mwakuri iai ao noori aron tein kawaia n aia mwakuri
- Ataa raoi te tabo ni mwakuri ao e kangaa n rin inanon te mwakete ni mwakuri man taraakiia aiana ke taabo ni mwakuri ake e kaiangatoa ma ngaia ao ai bon rongorongona aika a tibwa otinako.



Te kauoua ni mwaneka: Katauraoko nakon titiraki ake aaki toki n taatabekaki.

Taan kamwakuri aaki toki n tabekii titiraki aika a irekereke man tiitebo, ngaia are kamatebwaia aron am kaeka nakon akanne bwa katauraoram. Tabeua katoto n aron:

- **Tuangira tabeua rongorongom?** Katauraora am kaeka ae bon tau abwakina ibukin kabwarabwaraam ao kaotam bwa antai ngkoe, kain ia ngkoe, ao kaotam ae te tia kakae mwakuri ngkoe rinanon te PEV
- **Bukin tera ngkai e katika nanom te mwakuri aio?** Katomai ao kairekerekei ana kanoa n taakete te kambwana ma aika bon oin am taakete ngkoe ma oin am konabwai ke am atatai
- **Baikara korakoram ke baikara bwaai aika ko taku bwa ko korakora iai?** Taekinii korakoram aika ana kaineti raoi ma te mwakuri anne. Ngkana ko kan kakaea bwa tera te korakora ae tau ibukin te mwakuri, ao noora kabwarabwaraan te mwakuri ni warekia raoi. Taian taeka aika a kabonganaaki ana bon anganiko taian kanikina bwa ngaia anne te korakora ae kakaea te tia titiraki ke te tia kamwakuri
- **Tera teuana kabwakam ae koa tia ni mwakuriia ni katamaroa?** Rinea te kabwaka teuana ae kaotia bwa ko kona n taeae iaona n uringa ba e kanga n reke bwa kabwakam, ao tera arom ni mwakuriia
- **Ko kona n tuangira te tai ae koa tia iai ni mwakuri ma te tiim?** Anga te katoto ae kaota iai mwakuri raoi ma raom tabeman.

Kabonganaa te kawai ae aranaki bwa te STAR ni katauraora am kaeka titiraki iai. Te kawai ae te START e ibuobuoki ni katauraora am kaeka titiraki ae ota raoi man moti raoi ibukin taekinakin am konabwai iaon te mwakuri ke iaon am mwakuri aika koa tia ni kakaraoi.

- **Arom ma teim ae ngkai (situation):** Kabwarabwaraa bwa tera ke e kangaa arom ma teim ae ko rinanona n taai akekei
- **Tabem:** Kamataataa bwa tera ae ko riai ni karaoia ibukin teim ma arom are ko taekinna nte moan
- **Mwakuriana:** Kabwarabwarai raoi aron mwakuriana ake ko karaoi
- **Mwiina (Result):** Kamataataa bwa tera ae riki n tokin te tai ngke ko tia ni karaoa mwakuriana, tera te bwai ae tamaroa ae riki n tokin te tai.



Te kateniua ni mwaneka: Kataneiaiko n am kaekaeka titiraki ao katauraoko

- Kataia kataneiaiko moa ma raorao ke kain mwengam ni kaekai titiraki ao ongora irouia bwa tera aia iango iaona
- Katauraoi teniua ke e mwaiti riki am karaki aika a kimototo aika a kaota arom n rinanon taian mwakuri ake ko a tia ni mwakuri iai ao tera am konabwai iaona
- Korei am iango aika a kakawaki aika ana buokiko n ururingakina bwa tera ae kona taekinna inanon tain te kaeka titiraki
- Katauraora am beeba ni korei baika ko riai ni karaoi ibukin am bong ni kaeka titiraki Ngkana e karaoaki te kaeka titiraki iaon te intanete, tuoao raoi am mitiin ma katomaakim nakon te intanete bwa ana akea te kanganga nako iai.

N tain te kaeka titiraki



Tera ae ko na kantaningaia

- Angina aia titiraki taan kamwakuri a barongaaki raoi nte aro are a tiiteboo titiraki nakoia naake ana riki bwa taan kaeka titiraki. A bon biribiri imarenan 20-45 te miniti
- Ko na bae n titirakinaki iroun temanna ke irouia ae raka iaon temanna taan titiraki
- Rooko iaon te tai. Ngkana te kaeka titiraki e na karaoaki rinanon te eea ke te intanete, rinnakoa te intanete nimaua te miniti imwain te tai. Ngkana kona bon kaeka titiraki imataia taan kamwakuri, rooko 5-10 te miniti imwain taina
- Ngkana koa tia ni kata te mwakuri iaon te intanete rinanon rabwata ake a tabe ma te kateirake, ko na bae n karekea te meeri ni kakao ibukin kaeen te kaeka titiraki are ko bon riai n roko rabwatam ni kaea. E kakawaki ba kona kaongoa te tia kateirake ngkana ko aki mena iaon Australia ao kona bubuti ibukin am kaeka titiraki iaon te intanete
- E tataneiai ni kaakaraoaki ae raka iaon teuana te tai ni kaeka titiraki riki ngkana kona kaekai titiraki ibukin mwakuri ake a ririeta riki (n aron, kaain te aobiti ke mwakuri riki ake iaona aika a ririeta)



- N tokin te tai ni kaeka titiraki, ko na manga bon tuangaki ngkana iai am titiraki ae ko kan tabekia. Aio am tai ni kaota bwakan ke anaan nanom nte kambwana anne
 - Te katoto, ko kona n titiraki ni kangai: “Tera aron taraakin kanoan te bong ni mwakuri nte mwakuri aei?”, “Tera ae ko rangi ni kukurei iai ni mwakuri nte kambwana aei?”, “Baikara taian konabwai aika ana riai n reke ioun temanna bwa e na kona ni mwakuri raoi nte mwakuri aei?”.

1 E rangi ni kakawaki te moan nonori

- Oneiko raoi n aika a taraa raoi, engage ngkana ko na kaeka titiraki iaon te intanete ae iai tamneina
- Kaetiko raoi tekateka, wiingare, ao katokai raoi matam n taraa te kai n rawetamnei
- Kamataataa raoi am taetae ni kawai ao tai ienikuriia am kaeka titiraki. Ko kona ni bon karekea am tai ni korei am kaeka tabeua bwa e aonga ni barongaaki ao n tei raoi am kaekaeka
- Ataa raoi te riai ao karabwaia taan ang ate titiraki ibukin aia tai
- Tauraoi aba n titirakina te tia kamwakuri, n aron kan ataakina bwa tera are imwiina
- Ngkana e taekinaki tain te teirake, kaongoia bwa e a bwaka iaa ngkai maanin karekean kariaiakam n roko a oni mwakuri.

Baik a kakawaki ibukin te reitaki

N tabetai ao te maama ma te kauarereke ni kaeka a kona ni kananonaaki bwa akea nanom nako iai. Te iango ae raoiroi kakaean angam n ‘kauki iango’ ni moanan te maroro ni kaeka titiraki, inanon tain kabwarabwaraakim ke bon inanon am tai ni maroro. Kakaai tabeua baik ana kakaongora ae kona kona ni maroroakin ma te tia kamwakuri, ke titirakinia bwa e uara aia bong. Aio e kona ni karekea te mwengaraoi are ena tangiraoi iai tein am maroro n tain am kaeka titiraki.

Imwin te kaeka titiraki

Anga am kaitau ae kimototo nte meeri rinanon t intanete nakon te tia kamwakuri

Ngkana ko tuai kaongoaki mwiin am maroro ni kaeka titiraki imwin teuana te wiki, kanakoakin am meeri nte intanete ae tangiraoi n rimwia bon te bwai e raoiroi karaoana

langoi baik a nakoraoi n tain am maroro ni kaeka titiraki, ao tera am ang ani katamaroa riki naon am maroro ni kaeka titiraki ake imwina

Uringa bwa te maroro ni kaeka titiraki e kainanoa te kamatebwai ke kaakaraoana ae bati Bon kakaraoiroa nanom, bwa te maroro ni kaeka titiraki bon te reirei naba ae kona bon rinanona.



Te waaki n ibuobuoki ibukin te kakaee mwakuri rinanon te PEV e na kona ni buokiko ni katauraoiko nakon am tai ni maroro ni kaeka titiraki naoia taan kamwakuri. Karekea riki bwaninin rongorongon te buoka ibukin te kamwakuri rinanon te PEV iaon pev.gov.au

Iaon ara itera ni baa nte intanete ao ko kona ni karekei rii kawai n ibuobuoki n ikotaki naba ma rongorongon te mwakuri. Ko kona naba ni kariniko nte reirei iaon rongorongon te mwakuri ake ana buokiko ni kakaean am mwakuri iaon Australia.

Short thank-you email template

PEV applicants can use the following template when creating a short thank-you.

- i Instructions for use:**
- Copy and paste the right column text into a new email (e.g. Gmail, Microsoft Outlook, Yahoo, AOL)
 - Do not copy the blue instruction text in the left column
 - Replace the text in [orange brackets] with your own information.

INSTRUCTIONS

Mention something specific you discussed during the interview, for example, the team you would be working with or a particular project.

Insert your personal details:

*Your full name,
Your phone number
Your email address*

TEXT TO COPY

Subject:

Thank you – Interview for [Job Title]

Message:

Dear [Interviewer's name],

Thank you for your time today to discuss the [Job Title] role. It was a pleasure to learn more about the position and about [Company Name].

I particularly enjoyed learning about [Interview topic].

I am very interested in this opportunity and believe my skills would be a great fit.

I look forward to hearing from you regarding the outcome of the recruitment process.

Kind regards,

[Firstname Surname],
[(Country code) Phone number]
[name@serviceprovider.country domain code]